

大哀經



百二
發八

47793



元祿九年丙子二月日重脩

皇圖永固 帝階綴昌

佛日增輝 懋輪常轉

山城州天安寺法金剛院置

8.12

大哀經卷第八

西晉元康年三藏竺法護譯

發

往古品第二十四

佛告族姓子乃往過去久遠世時劫數無量
不可計會懸曠極遠不可思議尔時有佛号
離垢光如來至真等正覺明行成爲善逝世
間解無上士道法御天人師号佛世尊世
曰善離垢劫名照明其界清淨地紺琉璃淨
如明鏡地平如掌其界之土琉璃爲地生七
寶樹枝葉華實皆亦寶成又自然生衆寶蓮
華大如車輪其色若干見者心歡其形微妙
香潔甚美寶爲交露屋宅精舍諸天人人民被

服飲食猶如第六自在天上人民鮮潔行步
安詳其姪怒癡尠而薄少舉動言教其佛世
界無有日月其佛離垢光明身出大暉徧諸
佛土晨夜常明昧爽不別蓮華合者則知爲
冥蓮華開者則知爲明其離垢堯如來至真
諸菩薩衆有八百億出家菩薩居士菩薩無
能限量不可稱載建立無上正真之道其佛
土地不聞異學無有異乘惟修大乘行悉淳
淑立不退轉世尊云何爲彼說法惟演空慧
空無相教佛壽半劫衆人居宅若干種寶佛
即行步皆隨時節諸天亦然其於地上立交
露帳舍宅居中名之爲人其處虛空而立屋

宅棚閣名之爲天起止飲食等無差別又其
佛界無復國君惟離垢光世尊則爲無上大
法之王諸天人民無各各異皆來事師無各
異名所作不別無有異念惟奉如來諮受經
典思惟其議彼無女人無罪處名無犯塵欲
其土衆生惟學三度一曰禁戒二曰守心三

曰學智何謂爲戒習諸通慧心念不捨棄捐
諸行何謂守心住於定意逮得神通何謂爲
智住智度無極得分別辯如是族姓子有學
如此名曰學度是諸菩薩不受禁戒其土清
淨巍巍如是世尊說法嚴妙殊絕卓然無喻
時彼佛土諸菩薩中有一菩薩名曰光首即

從座起偏出右肩右膝著地叉手白佛唯然
世尊所言揔持爲何謂也菩薩何住諸佛所
說皆能執持爲衆生演令心歡悅佛告光首又
族姓子有揔持名爲寶曜菩薩住此悉受諸
佛之所講說悅衆生心光首又問惟願如來宣
說寶曜揔持其中議理我等聞之奉之如教逮
此揔持離垢光佛遂爲光首菩薩歎此頌曰
欲逮得寶曜 永除諸塵穢 於垢而無垢
捨諸一切染 心常淨離著 是寶曜揔持
逮得此持者 其明無不照 其身口清淨
光明性離垢 等意行慈心 是寶曜揔持
已脫三十二 解諸一切想 則離衆希望

是寶曜捻持

所遊入懷勇

大德如虛空

解明如虛靜

是寶曜捻持

不斷于三寶

絕三垢三世

窮盡眾苦原

是寶曜捻持

害貪婬恚癡

除塵諸穢濁

寶樹愛欲意

寶曜捻持尊

諸所有音響

世間上中下

入於一切聲

寶曜持離垢

精勤深奧法

無數妙句議

不著吾我人

捻持離此二

逮得分別辯

堅住於四道

四禪震于梵

是寶曜捻持

第一法藏議

啓受四等行

遵脩五神通

寶曜捻持尊

諦住四意止

常順四勤斷

奉于四神足

是寶曜捻持

已受持五根

而立於五力

能修七覺意

是寶曜揔持

奉於八由路

化寂然所觀

至於明解脫

是寶曜揔持

遊戲所住地

近順解脫道

除斷一切惱

是寶曜揔持

照明一切世

寂光之道場

眼清淨廣照

是寶曜揔持

天眼淨如此

智慧眼曜冥

眼淨為法目

是佛眼清淨

是塵淨於魔

此五陰消害

亦淨於死魔

歸命力降魔

住於此揔持

至億那術土

見姪數諸佛

得聞上經典

以聽廣妙法

意力懷揔持

分別其議趣

為天世人宣

心明發意知

解了所報應

其法入於慧

住揔持逮此

辯才無罣礙

三達三明淨

逮得三脫議

精進逮揔持

無數諸揔持

無限說無量

逮此揔持勝

便獲一切所

其禪及脫門

正受極三昧

神通自娛樂

當入此揔持

若海諸水王

萬川河流歸

是勝揔持然

諸法門無量

入於無盡意

悉解無窮慧

其福無崖底

行揔持逮此

色像衆相好

種性慧清淨

珠寶離垢掌

逮揔持如此

入於深要藏

懷無從生忍

在不退轉地

說是揔持者

無數諸菩薩

求於無上道

已逮此揔持

成佛不爲難

十方諸最勝

說法愍衆生

逮此揔持者

辯才無斷絕

悅億姪衆生

知根意所信

口未有所說

逮此持如是

則轉於法輪

度百千衆生

立之於尊乘

勇住此揔持

無數那術劫

嗟歎其功勳

逮此揔持者

不能盡究暢

如是族姓子離垢光如來至真說此揔持竟

諸大衆中三萬二千菩薩逮此揔持光首菩

薩亦復逮得此寶曜持於族姓子意云何尔

時光首菩薩豈異人乎勿作斯觀所以者何

則尔身是以是之故揔教王於今堪任度諸

穢惡亦復於此諮問如來章句通利無猶豫

心決其疑網猶是之故今世勇猛直啓前問

不難如來是決揔持宣照世間令意坦然仁

者修法自觀達故會此復重獲此揔持意懷

勇猛心自班宣

大哀經智本慧業品第二十五

於是智積菩薩時在彼會前白佛言菩薩云
何逮寶曜持已能獲致不復忽忘益於衆生
以揔持力而自立業佛告智積族姓子其有
菩薩住於智本而為智慧業亦乃逮得寶曜
揔持不復忽忘益於衆生智積菩薩復白佛
言善哉世尊惟為解說何謂智本何謂慧業
佛言且聽善思念之當為汝說智積菩薩受
教而聽佛告族姓子諦聽義旨思存心懷是
為智本如所聞法則以具足為他人說是為
慧業觀察分別是為智本啓發衆會令得開

解是爲慧業隨順觀察知其根原是爲智本
隨時開化建立衆生是爲慧業修平等行而
無偏黨是爲智本奉平正行不爲邪疑是爲
慧業心無所生都無所著是爲智本雖心不
生能宣經典是爲慧業閑處靜思其心寂寞
是爲智本身心宴然而無憤亂是爲慧業心
常樂一萬事不起是爲智本識一乘道而不
違捨是爲慧業專修澹泊而能觀察是爲智
本得明解脫蠲除衆冥是爲慧業遵于專一
三脫之門是爲智本證明三達去來今事是
爲慧業篤信道議而無疑惑是爲智本度於
一切諸所罣礙是爲慧業其心不怯志懷勇

慧是為智本身心休息離於汲汲是為慧業
其意安詳而不卒暴是為智本思惟懸曠而
悉識念是為慧業如有所毀尋即覺制是為
智本心常正定而得其所是為慧業遵修意
止申暢意法是為智本意無所存亦無所念
是為慧業奉四意斷令捨根原是為智本則
已淨本蠲除衆瑕曉了諸法是為慧業修學
神足忽然輕舉是為智本已無所行而逮神
足是為慧業習化五根根原常寂是為智本
分別諸根之所歸趣是為慧業住於五力勢
不可動是為智本除魔塵勞令欲不起是為
慧業曉了七覺逮柔順忍是為智本分別諸

法一切自然是為慧業合集由路通暢無滯
是為智本若以識別浮筏譬喻其非法者立
之於法是為慧業明識苦習而修道業是為
智本明證盡諦智本無盡是為慧業諷誦經
典識其句議是為智本已通經典而能奉行
是為慧業一切所聞皆能執持是為智本遵
仰眾義不違其理是為慧業於受音響而無
所著是為智本順其經典而識正旨是為慧
業觀諸萬物一切無常是為智本而悉曉
了於無所行一切諸法是為慧業觀諸萬
物一切皆苦是為智本一切諸法計本空無
是為慧業察一切法而無吾我是為智本觀

諸衆生本悉清淨是爲慧業聞真諦法不懷
恐怖是爲智本分別諸法之所歸趣是爲慧
業觀察寂然泥洹澹泊是爲智本一切諸法
本淨寂滅是爲慧業聞於經義不懷猶豫畏
懼之難是爲智本曉了義理知其正歸是爲
慧業聽如審法不疑沉吟是爲智本分別辯

才剖判其本是爲慧業於一切音聽不恐懼
是爲智本隨時宣暢各令得所是爲慧業聞
佛辯才不懷弱怯是爲智本識其辯才而徧
頒宣是爲慧業爲衆生故慈奉法行是爲智
本不捨慈愍以慈加衆是爲慧業自爲己身
亦爲他人而興愍哀是爲智本俱於二事而

無所著發無盡哀是為慧業愛喜道法而懷
悅豫是為智本不舉不下無所違失是為慧
業離於結縛危害之事而以觀察是為智本
曉了己身舉動進止是為慧業常念於佛心
無他思是為智本明識法身而無所倚是為
慧業常念經典識其義理是為智本而能分
別離於欲法是為慧業常念聖眾供養諸道
是為智本逮於無為觀察無塵是為慧業常
念惠施濟諸窮厄是為智本捨一切塵而順
道意是為慧業常念戒禁而自謹慎是為智
本而已習行於無所識行別禁戒是為慧業
常念於天使意開解是為智本其法清淨離

於穢塵是為慧業若有所聞覆疏其義是為
智本與諸世俗無所覆按是為慧業所作事
業安諦無失是為智本而悉曉了無作無報
是為慧業不懷貢高而不自大是為智本得
無極慧而成大智是為慧業所行為已自省
其身是為智本為已亦及二事俱興是為慧
業若能執持八萬四千諸法經藏是為智本
分別八萬四千諸行是為慧業曉了隨時而
宣經典是為智本如應講經無所違失是為
慧業開化衆生建立於道是為智本智度無
極善權方便教誨衆生立不退轉是為慧業
未曾畏懼五趣所生是為智本所生之處多

所將護是為慧業精勤自修逮音響忍是為
智本常以修行無所懷生是為慧業自將其
節得柔順忍是為智本若已逮得不起法忍
是為慧業發意勤修不退轉地是為智本超
然進前阿惟顏地是為慧業其行已成坐佛
樹下是為智本所當曉了斷除疑礙解是平
等皆以一時發心之頃隨時順義成於無上
正直之道為最正覺是為慧業佛欲重宣暢
此義介時頌曰

若聽受其法
諮奉於智本
其菩薩殊勝

啓問無放逸
聞之則能演
為造慧之業

斯清淨衆人
慈心布諸民
善意而思惟

是為明智本
行如所順念
是為慧之業
心行無所起
是則為智本
專一寂道行
是為慧之業
愛樂一乘道
是則為智本
精勤三脫門
是為慧之業
念無意無我

分別說所行
是則為智本
逮心無所生
是為慧之業
宣暢造所行
是則為智本
畏難生死習
是為慧之業
思惟明脫事
是則為智本
精修四意止
是為慧之業

是為慧之業
此行為人說
此則為智本
淨修正真行
是為慧之業
身心不計我
是則為智本
好樂寂然觀
是為慧之業
明證三達智
是則為智本
棄惡修善行

是則為智本

勤致四神足

是為慧之業

度一切罣礙

是則為智本

其志了安詳

本淨除此法

是則為智本

篤信淨解脫

是為慧之業

身意已休息

是則為智本

是為慧之業

不貪習神足

是則為智本

精進不倚息

是為慧之業

不住一切處

是為慧之業

行本淨正受

是則為智本

奉行於五力

是為慧之業

解了一切法

自覺識定意

是為慧之業

知衆生諸根

是則為智本

覺意柔順忍

是為慧之業

是則為智本

善建立五根

是為慧之業

殷勤得聖慧

是則為智本

勤修道精進

是則為智本

棄捐法非法

是為慧之業

方便苦自然

是則為智本

於證不滅盡

是為慧之業

修持隨義典

是則為智本

導御從義理

是為慧之業

不厭倦諸聞

是則為智本

履順其要行

是為慧之業

如應求其義

是則為智本

奉行於聖達

是為慧之業

不倚於壽命

是則為智本

所念如法教

是為慧之業

求觀物無常

是則為智本

於是知無生

是為慧之業

信脫萬物苦

是則為智本

諸法悉無為

是為慧之業

解諸法無我

是則為智本

其性以清淨

是為慧之業

信脫涅洹寂

是則為智本

觀察其義理

是為慧之業

暢達於經法

是則為智本

不離佛辯才

是為慧之業

得無緣之慈

是則為智本

常得歡喜悅

是為慧之業

心不得二脫

衆生永滅度

是則為智本

若篤信經典

是為慧之業

曉了諸歸趣

是則為智本

建立衆生慈

是為慧之業

不想著我人

是則為智本

不造為恩愛

是為慧之業

是為慧之業

覺義而分別

是則為智本

不畏一切害

是為慧之業

曉了自諮說

是則為智本

哀己及他人

是為慧之業

不悅無所起

是則為智本

其意常念佛

是則為智本

若隨法身教

是為慧之業

常思惟經典

是則為智本

明識法報應

是為慧之業

念聖眾功勳

是則為智本

若覺了無為

是為慧之業

若心好布施

是則為智本

設捨一切塵

是為慧之業

思戒具清淨

是則為智本

住無漏之禁

是為慧之業

念於大神天

是則為智本

若念淨復淨

是為慧之業

所聞而覆疏

是則為智本

不與世同塵

是為慧之業

善修謹勅業

是則為智本

作於無所作

是為慧之業

謙遜不自大

是則為智本

不計吾有慧

是為慧之業

已身常精勤

是則為智本
若持諸法藏
是為慧之業
歸三處衆生
等立益衆生
皆以等利之
是為慧之業
思惟生於彼
是則為智本
若得音響忍
是為慧之業
無所從生忍

為衆生造行
是則為智本
度一切諸惡
是為慧之業
開化使離穢
視如佛功德
畏所有熾然
是為慧之業
興無所生慧
是則為智本
致柔順法忍
是為慧之業

是為慧之業
曉了衆生行
是則為智本
惠施為仁愛
是為慧之業
正士則如是
是則為智本
不瞋得盡慧
是為慧之業
其行如所念
是則為智本
任不退轉地

是則為智本

得阿惟顏地

是為慧之業

坐於佛樹下

是則為智本

已逮諸通慧

是為慧之業

計其智之本

是曰為道心

依怙於此心

所作為慧業

常諦住道心

則能不動轉

是業為慧事

所行常隨時

若修行佛道

是心道之本

佛神力如是

亦分別辯才

若於無數劫

咨嗟此功勳

佛德及光明

不可得邊際

其過去諸佛

現在亦如是

若當來安住

十方不可計

其有欲供養

此無量最勝

當順隨道心

則成無放逸

佛說於此智本慧業時十方無量諸佛國土

六返震動寶嚴高座亦復如是於是智積菩薩前白佛言唯然世尊今者何故十方世界不可計會無數佛土六返震動其虛空中所立高座亦復如是佛言族姓子是智本慧業經典要品過去如來之所歎說往古世時智積菩薩在於虛空多所持護啓問如來佛爲解答是故地大震動光明普照

大哀經智積菩薩品第二十六

尔時有菩薩名逮分別辯前白佛言智積菩薩何故号曰爲智積耶佛告族姓子乃往過去久遠世時有佛号名首寂如來至真等正覺明行成爲善逝世間解無上士道法御天

人師爲佛世尊世界曰精勤劫名阿摩勤其
佛世界安隱快樂衆生無患首寂如來諸菩
薩衆四萬二千諸聲聞衆八萬四千皆悉恭
恪謙卑順教其佛辯才以方等經爲諸菩薩
興百億難歌頌悉周告諸菩薩汝等正士誰
能堪任受百億難一一解說而發遣之彼諸
菩薩又報佛言過今夜已當發遣之或言七
夜或言半月或言一月思惟然後乃能發遣
各各自思白世尊義時彼衆會有一菩薩名
曰覺意前白佛言惟願大聖我不起坐不整
威儀無所思察於如來前令尊證明悉當發
遣所可難議時此正士適師子吼三千大千

世界六返震動其大光明普照世間以此威
光告地上神四天王天忉利天焰天兜率天
無憍樂天化自在天上至魔界天梵天梵身
天梵滿天梵魔著天大梵天光曜天妙光天
無量光天光音天嚴淨天妙淨天無量淨天
難及天善見天善勝天離果天一善天空慧
天識慧天不用空慧天有想無想天悉來集
會諸比丘比丘尼童士童女不可稱計亦皆
來會及諸十方諸所千界悉來住立於高座
前時覺意菩薩見諸大眾悉來集會承已福
力意強霸力及摠持力分別辯力無所畏力
奉佛威力在於佛前諸眾會中取百億難一

一諸難興百億義而發遣之不轉其時不移
其座亦不起立不動膝脚所說流滑義不差
錯聞者坦然若冥覩明同時會中六萬人衆
皆發無上正直道意八萬四千菩薩逮得無
所從生法忍首寂如來則讚之曰善哉善哉
其音應時徧告三千大千世界其地上神上
至淨身諸天之衆皆聞其聲悉共咨嗟今此
菩薩乃能發遣百億衆難當号名之爲智積
也族姓子智積以是之故名曰智積欲知介
時覺意菩薩豈異人乎莫作斯觀所以者何
則是智積菩薩也

大哀經歎品第二十七

於是捻教王菩薩前白佛言未曾有也世尊
諸佛出世雄乃能善決於是淳淑無上正真之
道暢其文字不可限量入無限義難受難持
解了深妙十二緣起不能勤學亦為甚難其
二行者無能及者是六情難滅坐有所著推不
能解非是下劣聲聞緣覺地所能逮者是菩
薩行印一切法覆按法界則以平等猶如虛
空無有作想悉無所著越所希望別衆生行
曉了一切報應之緣而復班宣智度無極廣
修善權奉淨寂句逮得神通以等行故入佛
一門無有差特不為若干等定如空黨無等
倫等無所等諸佛平等離於二事修行滅寂

去諸文字導御於衆令分別解暢其音響於
義無獲所得等習奉行三寶講三脫門度於
三界曉了三達興發自在譬喻定意則能建
立諸佛之法懷來佛慧饒益一切諸佛所歎
唯然世尊若族姓子及族姓女有能信此去
來今佛如是比像所講道義無量之慧以信
樂至發無上正真道意將護正法聞如此經
典之要持諷誦讀具爲人說得福無底則於
如來爲有返復孝順報恩佛言如是如是族
姓子如余所云若族姓子族姓女佛曰覩見
十方諸佛所現國土滿中七寶持用奉施如
來至真等正覺若復有人持是經典勤諷誦

讀具足講說為衆宣傳慇懃精進啓受正典
敬懷行之而不違斷三寶之教如是行者德超
于彼不可稱限於時世尊說此義已歎此頌曰
吾以佛眼觀諸國土諸如來等如積紫金
供諸如來福尚甚少若聞此典功德乃廣
其有應器得聽斯經深奧玄妙第一至真
已具即受持諷誦讀計此功祚為最上尊
最勝若此常住於法從法養生不從衣食
是故當奉安住之法則為孝順報諸佛恩
爾時世尊告衆一切諸會菩薩誰能堪任受
是過去當來現在諸佛世尊無上正真道法
之護吾滅度後於五濁世時俗慣擾能傳此

經使廣流布令其正法住在久存應時彼會
六萬億姪諸菩薩衆同時舉聲而歎頌曰

吾等衆人今共堪任將護如來無數億劫

百千那術所集無上正真道教於後末世

當廣宣布又復大聖惟加威恩建立神德

令此經典於後末世使廣流布令衆生類

咸共奉命宣令人民得植德本已積德者

耳得逮聞

於時世尊即歎頌曰

正覺言至誠住於真諦法以此建誠信

順立于斯經彼於盡無哀而住無極慈

演愍傷衆生故建立斯經成就功德品

越諸聖慧黨

普入諸所行

故建立斯經

降伏一切魔

消化諸異學

壞一切邪見

故建立斯經

四王天帝釋

梵王演布施

天龍犍沓和

故建立斯經

地神虛空天

雜碎諸小天

見佛多所達

當奉持此詔

修於四梵行

四諦自莊嚴

將護於所部

故建立斯經

虛空無色像

今無色有色

佛之所建立

無能動移者

於時四天王異口同音則於佛前以頌讚曰

吾等順此典

佛威所將護

子孫及眷屬

還逮而侍衛

若有受持者

精勤於道教

我等當奉事

四面營翼之

於時天帝釋則於佛前歎此頌曰

吾等報佛恩 當護導師法 是神妙經者

行者得成佛 我等為諸佛 孝順報護經

將養如是典 以此奉持法

於是梵三鉢天王則於佛前歎此頌曰

其不習放逸 越度一切乘 悉從是經生

深奧義殊絕 當捨梵天安 設此經所在

當故往聽受 亦當隨營護

於時兜率天王則於佛前歎此頌曰

其一生補處 從兜率天下 便當奉持此

佛所說經典 世間我堪任 棄捐天安樂

遊住閻浮提 聽說此經典

於時魔子導師則於佛前歎此頌曰

以畢魔罪業 不復從害教 其受持此經

識義而奉行 我當擁護此 如來之經典

今興其精進 普使具足獲

於是魔波旬於世尊前歎此頌曰

吾於衆生類 不復為敗亂 其有受持此

攝壞衆欲塵 諸魔不得便 說此經典者

諸佛所建立 吾當將護之

於是須深天子於世尊前歎此頌曰

諸佛之正道 此經悉演說 若有持斯經

則奉一切佛 我當執此典 為億數天讚

勸助發道意 聞者則遵行

於是彌勒菩薩於世尊前歎此頌曰

若有志有道 其慈不須屬

擁護一切法

自出意布施

吾詣兜率天

佛之所建立

如是正像經

當令普流布

於是耆年大迦葉於世尊前歎此頌曰

吾等慧薄少

聲聞之所說

當任其勢力

執持世尊法

若有受持此

當往侍衛之

堪以宣辯才

讚之為善哉

於時舍利弗於世尊前歎此頌曰

法猶如虛空

世護之所說

吾當將養之

奉敬斯正典

若所在方面

奉持如是經

住在於後世

將念一切族

於時耆年大目犍連於世尊前歎此頌曰

世尊今現在 清淨諸衆生 以持此經典

察義觀奉行 於百千劫中 終不歸惡趣

已受於佛法 則為法王子

於是賢者阿難於世尊前歎此頌曰

我面於佛前 聞無數千經 從本未曾有

聞如是比經 今已遭此典 親從聖諮受

當令普流布 為求佛道者

爾時世尊咨嗟釋梵護世四天及諸天子菩

薩聲聞善哉善哉仁等諸正士汝等乃能擁

護正法又如是以演師子吼今我重囑於正

士等慇懃委累其有衆人志於大乘未得法

忍若遇如此建立經典受諷誦讀常與如來
而面相見如是不久當得其決成於無上正
真之道若聲聞乘受佛此經當於彌勒如來
至真第一會數若緣覺乘以此經典持諷誦
讀吾滅度後雖無所聞成緣覺道佛說於此
揔教王菩薩所問經典義時無央數人皆發
無上正真道意不可計會諸菩薩衆立不退
轉地不可稱載諸菩薩等逮得無所從生法
忍無限世界六返震動其大光明普徧十方
天雨衆華其於十方來會菩薩咸供養佛奉
敬正典普及一切寶嚴高座化作寶華而俱
舉聲宣暢功德吾等善利獲無極慶身自親

近得至於此逮聞如是決疑經典當今世尊
釋迦文足延命久壽長存於世使此經典存
閻浮提當永流布其比丘比丘尼童士童女
受持如此比像經者是等亦令當蒙擁護亦使
長壽常以弼恩加益衆生悉蒙得度

大哀經囑累品第二十八

於是摠教王菩薩前白佛言至未曾有世尊
善分別說此經典義所演微妙其辭璨麗菩
薩元首所當行者降制一切諸魔異學方便
隨時導御諸典而復悅可得衆生心出生一
切諸乘之行悉入如來無極功勳親具諸願
顯現大道是經典者所名爲何云河奉行佛

告揔教王菩薩是經号如來大哀佛所宣教
當奉持之聞如來善莚未曾虛妄當奉持之
佛說如是揔教王菩薩十方世界來會開士
諸大弟子釋梵四王天龍鬼神犍沓和阿須
倫迦留羅真陀羅摩睺勒比丘比丘尼童子
童女一切眾會諸天世人間佛所說莫不歡

喜

大哀經卷第八

發

棚閣

上步 反棧

浮筏

下音伐 東竹木 渡水也 亦作批


恭恪

下苦 各反

覆

疏

上音福 下音踈



猪飼順良寄附

